

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-3184/18
Datum: 28. 09. 2018.

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 1/18), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-3184/18 od 25.09.2018. godine, za **Izvođenje radova na izgradnji dijela ulice Džemala Bijedića**, je donio:

O D L U K U O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, po zapisniku broj: 07-3184/18 od 25.09.2018. godine te Ugovor za javnu nabavku za **Izvođenje radova na izgradnji dijela ulice Džemala Bijedića od 160.839,48 KM**, (cijene su sa uračunatim PDV-eom) dodjeljuje se ponuđaču **"Jata Group" d.o.o. Srebrenik**, a u skladu sa ponudom broj: 01-123/18 od 25.09.2018. godine.

II

Ponuđač je u ponudi dostavio dokaze po članu 45. stav (2) Zakona o javnim nabavkama, a u skladu sa tačkom 4.1. tenderske dokumentacije i članu 47. stav 1. tačka (a) Zakona o javnim nabavkama odnosno u skladu sa tačkom 4.3. tenderske dokumentacije, te isti nema obavezu ponovnog dostavljanja zahtijevane dokumentacije.

III

Prije zaključivanja ugovora ponuđač je dužan izvršiti preračunavanje cijena u predmjeru radova, tako da je dužan svaku poziciju smanjiti za isti procent koliko iznosi konačno procentualno umanjenje ukupne cijene postignute nakon e-aukcije i takav predmjer radova dostaviti ugovornom organu prije potpisivanja ugovora, a koji rok je utvrđen Zakonom o javnim nabavkama.

IV

Ova odluka objavit će se na web-stranici www.srebrenik.ba istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ź E N J E

Postupak javne nabavke pokrenut je Odlukom o pokretanju postupka javne nabavke broj: 3184/18 od 04.09.2018. godine.

Javna nabavka je sprovedena po otvorenom postupku broj: 07-3184/18 od 04. 09. 2018. godine.

Procijenjena vrijednost javne nabavke bez PDV-a iznosi: 142.450,15 KM.

Obavještenje o nabavci je objavljeno na Portalu javnih nabavki, obavještenje o nabavci br. br. 761-1-3-105-3-74/18 od 04. 09. 2018. godine i "Službenom glasniku BiH" broj: 61/18 od 07.09. 2018. godine.

Komisija za javnu nabavku imenovana je Rješenjem broj: 07-3184/18 od 04.09.2018. godine. Ponudu po otvorenom postupku za predmetnu nabavku je dostavio slijedeći ponuđači:

1. "Jata Group" d.o.o. Srebrenik **u iznosu od 142.445,94 KM bez PDV-a.**
2. "Galax - Niskogradnja" d.d. Brčko **u iznosu od 137.607,24 KM bez PDV-a.**

Gore navedeni podaci su konstatovani pri otvaranju ponuda, nakon čega je Komisija pristupila analizi dostavljenih ponuda u cilju utvrđivanja da li su ponude potpune i da li ponuđači ispunjavaju kvalifikacione uslove prema zahtjevu za dostavljanje ponuda.

Pregledanjem ponude ponuđača "**Jata Group**" d.o.o. **Srebrenik**" Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Pregledanjem ponude ponuđača "**Galax - Niskogradnja**" d.o.o. **Brčko**, Komisija je konstatovala da je ista potpuna tj, da su dostavljeni svi dokazi i da svi zadovoljavaju zahtijevane kvalifikacione uslove, te je ista prihvatljiva za dalje razmatranje.

Računskom provjerom nisu utvrđene računске greške.

Kako je za predmetnu nabavku predviđena E-aukcija komisija je prekinula sa radom, te je zakazana E-aukcija u 27.09.2018. godine u 13:30 minuta, kada je i započela, a ista je završena u 14,06 minuta.

Komisija je dana 28.09.2018. nastavila sa radom u 08,00 sati, te je na osnovu izvještaja o izvršenoj e-aukciji za javnu nabavku za **Izvođenje radova na izgradnji dijela ulice Džemala Bijedića i rang liste koja je dostavljena u izvještaju konstatovala da je ponuđač "Jata Group" d.o.o. Srebrenik ponudio cijenu u iznosu od 137.469,64 KM bez PDV-a, a ponuđač "Galax - Niskogradnja" d.o.o. Brčko je ponudio cijenu od 137.607,24 KM bez uračunatog PDV-a.**

Komisija je konstatovala da je ponude ponuđača **Jata Group**" d.o.o. **Srebrenik za Izvođenje radova na izgradnji dijela ulice Džemala Bijedića** ocijenjena kao najpovoljnija te je predložila Općinskom načelniku prihvatanje ponude, a shodno članu 70. zakona i donošenje odluke o izboru najpovoljnije ponude ponuđača "**Jata Group**" d.o.o. **Srebrenik u iznosu od 137.469,64 KM bez PDV-a odnosno 160.839,48 KM sa PDV-om.**

Kako je imenovani ponuđač u ponudi dostavio zahtijevane odgovarajuće dokaze po članu 45. i 47. Zakona o javnim nabavkama, to nema obavezu ponovnog dostavljanja zahtijevanih dokaza.

Prije zaključivanja ugovora ponuđač je dužan izvršiti preračunavanje cijena u predmjeru radova, tako da je dužan svaku poziciju smanjiti za isti procent koliko iznosi konačno procentualno umanjeње ukupne cijene postignute nakon e-aukcijen, i takav predmjer radova dostaviti ugovornom organu prije potpisivanja ugovora, a koji rok je utvrđen Zakonom o javnim nabavkama.

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Iz navedenih razloga, primjenom člana 64. stav 1. tačka (b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru najpovoljnijeg ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđaču,
2. Evidenciji,
3. Arhivi.



OPĆINSKI NAČELNIK